



Anna Wangenheim

Demokraatit sinnerlugit Inatsisartunut ilaasortaq

03-03-2020  
Sags nr. 2020 - 2473  
Akt nr. 12962010

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

## Suleriaatsit pillugit § 37 apeqquteqaatinnut akissuteqaat

Asasara Anna Wangenheim

Inatsisartut suleriaasiat naapertorlugu apeqquteqarputit, apeqqutitillu ataani akissavakka.

### 1) Qanoq iliorluni nunatta illoqarfiit pingaarnersaanni nakorsiartarfik paaqqinnittarfillu inuttaqarniarnikkut aningaasatigullu siumut nalimmassarneqassanersoq Naalakkersuisut ilisimasaqarfigaat?

#### Akissut:

Innuttaasut amerlassusiat Naalakkersuisunit ukiuni arlalinni malinnaaffigineqarpoq, tamatumalu takutippaa illoqarfiit pingaarnersaanni innuttaasut amerliartortut. Dronning Ingridip Peqqissaaviani (DIP) sulisut amerlassusiligaanerat aningaasaqarnikkut maanna tunngavigisassat pissutigalugit innuttaasut amerliartornerisa pilertoqataanik naleqqussarneqangilaq. Innuttaasut katitigaanerata ineriartornerat aallaavigalugu peqqissutsimik suliat pilersaarusiornissaanni peqqissutsimut ataatsimiititaliarsuassami maanna suliat eqqarsaatigalugit Naalakkersuisut aalajangiinissaminni sukumiisumik tunngavissaqalernissaat neriutigaa, aammalu peqqinnissaqarfimmut aningaasanik sulisussanillu inissiinissaq eqqarsaatigalugu.

### 2) Suleriaatsip ingerlanera imminullu kiffartuussisarneq pitsanngorsarniarlugit Naalakkersuisut IT-mut aningaasaleeqqinnissaq soqutiginartuutippaat?

#### Akissut:

IT-mut atatillugu, tassungalu ilanngullugu imminut kiffartuuttarnerup ineriartornerat Naalakkersuisunit ingerlaavartumik malinnaaffigineqarpoq. Ullumikkut assersuutigalugu IT-kkut doktor.gl atornerarpoq, taanna aqutigalugu Nuummi innuttaasut nakorsaatiniq nutaanik pissarsiniarsinnaallutik. IT atorlugu imminut kiffartuunnermut aaqqiissutit ilaneqassappata ineriartortitsinerumut, ingerlatsinerumut taakkuninngalu aserfallatsaaliinissamut aningaasanik pisariaqartinneqartunik immikkoortitsisoqarsinnaasariaqarpoq.

IT-mi suliniutinit allanit attuumassuteqartunit taaneqarsinnaavoq napparsimasunut nalunaarsuiffiup elektroniskiusup Cosmic-ip 2021-mi nutarterneqarnissaa. Upalungaarsimasussat pilersarusiortarneranni periutsip ineriartortinneqarnissaa peqqinnissaqarfimmit qangali kissaatigineqarpoq. Naalackersuisunit eqqumaffigineqarpoq, taanna allaffissornikkut suleriaatsinik pisariinnerusunik ikinnerusunillu pilersitsisinnaammat. Aningaasaqarniarneq pingaarnersiunerlu pissutigalugit suliaq tamanna manna tikillugu aallartinneqarsinnaasimangilaq.

**3) Naalackersuisut qaammarsaavigisinnaavaat nunatsinni inuit qassit privatimik peqqinnissamut sillimmaserneqarsimanersut?**

Innuttaasut privatimik peqqinnissamut sillimmaneqarsimasut amerlassusiat pillugu paasissutissanik Naalackersuisut peqanngillat.

Inussiarnersumik inuulluaqqusillunga

  
Martha Abelsen